



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Oratio Panegyrica Habita In Sacra Aede B. Mariae
Aspricollensis Ipso Festo Assumptionis ejusdem Die**

Venne, Franziskus vanden

Mechliniae, 1663

Epigrammata.

urn:nbn:de:hbz:466:1-12159

EPIGRAMMATA.

De eodem per insigni Auleo ac Tapete, in quo præter Pontificiam Tiaram Clavibus Ecclesiæ innitentem, aliaque Emblemata, Nomen Donatoris acu pictum in auro litteris majoribus ac Romanis sic appetat:

ALEXANDER VII. PONT. MAX.
ANNO SEPTIMO.

M Vnera Virgineas Chisius quæ fixit ad aras,
Aureus exornat, coccineusque color.
Argento claves, auri micat igne tiarâ
Et glans & Quercus signa decoris habent.
Quid quod ALEXANDER picto supereminet auro?
Phœbæi radios sideris esse putet.
Desine mirari: in reliquis ars emicat: artem
Ipsam in ALEXANDRI nomine vicit Amor.

ALIVD

De eodem Munere.

A Spicis ut fulvo peristroma renidet in auro?
Munus ALEXANDRI est, Pontificisque decus.
Hic certant pietas, natura & opus: sed utrumque
O, quantum superat judice me pietas!
Dignas pulchrum opus hoc aras ut fecerit: aris
Dignum Pontificem pulchrior illa facit.

DE



DE EJVSDEM MVNERIS OBLATIONE
 FACTA
 PER ILLVSTRISSIMVM
 D. HIERONYMVM DE VECCHIIS
 S. Mariæ Montis Regalis Abbatem, &c.
 APOSTOLICVM IN BELGIO
 INTERNVN TIVM

Portitor Illustri Dono bene convenit: altos
 Nempe Aquilæ montes & juga Cervus amant.
 Nulla mora est, fiet quod mandas, Optime Pastor:
 Currit hic obsequio promptus, & illa volat.

ALIVD.

*De Montibus Scuti CHISIANI, & Stella
 super eos affulgente.*

Antiquos montes, aggestum Pelion Ossæ,
 Atque gigantæum jure tacetur opus.
 Per juga, perque altos colles malè sidera prensant:
 Obruit insanos præcipitatque labor.
 Montibus his via tuta patet: neu devius erres,
 Ostendit faciles stella benigna vias.
 Sic petitur cœlum: nulla est fallacia: calle
 Sternit ALEXANDER munere, Virgo probat

Super Illud DE ALIAS DE ORATIONIBUS

ANNO SEPTIMO.

Ad B. Virginem Afric-Collensem

Septima lux orbi pacem intulit : inde feruntur
Pridem Iudeo sabbata culta viro.
Pacem affer , Virgo; maculae certamina cessant :
Sic bene ALEXANDRI septimus annus erit.

De Quercu Chisiana & Afric-Collensi

in qua Beatæ Virginis Imago

thaumaturga reperta est.

Restituant veteres quamquam modò sacula quercus
Quas fert Romanus, quasque Brabantus ager,
Ne metue : haud istâ durescent tempora sylvâ ,
Nec veniet rigidus, qui fuit ante , labor.
De Chisia Quercu modò glans fit mellea: Quercu
De que sua Virgo mellea dona facit.

ADGRA-

E 3